

小山集

桂殿秋 壽子湖先生

長沙劉翰武子

青帝子碧蓮宮不駕雲車騎白龍瑤池路遠羽衣濕

玉珮冷、明月中

雙玉節到神京碧盃仙露冷如冰一聲金磬千花發

洞口天風吹酒醒

翠屏曲

小亭簾幕垂陰、梅香入枕春生屏西牕月落翠被
冷鳥聲殘夢東風醒三年不喚清溪渡夢裏瀟西春

水路江頭女兒雙翠眉能唱劉郎芳草句

小宴

一曲歌雲勸玉觴歸來斜月恰侵床小牕細嚼梅花
藥吐出新詩字字香

余久客都城秋風思歸作楚語和吳郎採菱
叩舷之音

秋風兮淒々山中兮桂枝彈余冠兮塵墮芳草綠兮
未歸家遙々予辭楚荆傷去國予重登臨撫長劍予
增慨復鳴銜予成音採中洲兮蘭芷望美人兮千里
我所思兮天一方共明月子隔秋水

種梅

淒涼池館欲栖鴉綠筆無心賦落霞惆悵後庭風味
薄自鋤明月種梅花

紅窓怨

啼鶯喚起紗牕夢紅日滿簾花影弄翠屏香字冷薰
爐羅衣疊損金泥鳳去年君去燕歸時今日燕來君
未歸欲把相思挑錦字夜寒懶上鴛鴦机起來翠袖
香羅薄東風滿地桃花落

漁父

輕舟一葉一輕蓬上有蕭々雀髮翁昨夜不知何處

宿月明都在笛聲中

春晚呈范石湖

風日蕭蕭，兩鬢華倦，尋銀筆賦餘霞。五更枕上無情
雨。三月風前薄命花。春困有時，因病酒客懷，何日不
思家。年來事，心情懶，惟有歸耕策最嘉。

上元小亭

靖康詔令文章種，桐邑公侯國老家。種得人間桃李
滿，春風無地不開花。

石頭城

離、芳草滿吳宮，綠到臺城舊苑東。一夜空江烟水

冷，石頭明月雁聲中。

天上月

春冰一片淨無瑕，万里清光遍海涯。欲與嫦娥移桂
樹，月中先合種梅花。

春日

沉、芳酌動金波，笳引疎梅泛玉荷。幾度天寒歸雁
少，一番風雨落花多。功名好在知心懶，富貴重來奈
老何。烏鵲數聲傳喜語，梁間燕子亦能歌。

江南曲

我家江南同野老，自紡落毛采蘋藻。清風滿袖讀離

騷半畝出畦種香草門前流水鳴濺
日暮歸來自刺船遙山數疊作媚媼
落日斷霞明晚川兩餘汀草漲新綠
紅衣濕盡鴛鴦浴採蓮女兒何處來
唱我春風湖上曲瓮頭酒熟方新篛
白魚如銀初上鉤呼兒洗杓醉明月
酒酣更作商聲謳

鴻門宴

江東遙々八千騎大戟小戟七十二
劉郎曉鞭天馬來踟躕長安開帝里
子嬰已降隆準公君王置酒鴻門東
張良已去玉斗碎三月^火照咸陽紅繡衣
歸來日將夜可惜雄心天不借當時已
失范增謀尚引長戈到垓下刁斗乍急
營壘驚夜深旗尾秋風橫玉帳佳人
不成夢月明四面聞歌聲拔劍相看淚
如雨我作楚歌君楚舞明朝寶馬一聲
嘶江北江東皆漢土

玉斗歌

漢高帝真英主也其入關則約三章封府
庫子女玉帛略無所有秦人歸心焉不待
白蛇赤帝老嫗夜哭然後知為天命彼媼
々項羽欲扼其喉而困之難哉鴻門之戰
沛公亦幾危矣項莊舞劍項伯翼蔽沛公
得從間道以歸獨使張良謝羽々受其璧

此亞父知其為勇所以慨然碎其玉斗也

感之作歌

漢兵咸陽未休舍楚王長歎到戲下項伯夜入張良
營沛公倉皇出城謝自言戮力共攻秦不意入關成
此勲閉關籍民脩他盜盡封府庫待將軍項莊拔劍
項伯起漢楚興亡在今爾鴻門壯士斬關來慷慨一
危誰懼死君不見秦亡鹿走驪山傾四方盡起諸侯
兵龍顏隆準泗上長天之所授誰能爭英雄肯落他
人手獨遣謀臣談辯口君王間道却歸來滿地秋聲
鳴玉斗

吳門行

吳歌婉々清如水西風曉自閭門起雙橈艇子採菱
來翠葍綠蘋香十里芙蓉影落已知秋滅濕羅衣眉
黛愁回顛蕩將柴入門去明月家々秋水流

客去

送客歸來月滿簷梅花微笑隔疎簾酒醒今夜銀屏
冷沉水薰爐旋々添

哀友人

案成歌舞小春嬌何事君隨草木彫從此巴江々上
月有人和淚獨吹簫

聞笛

誰將玉笛按涼州
吹徹春風不下樓
若道聲聲都是
恨不知消得幾多愁

山亭

芳草萋萋怨未歸
西池殘夢要題詩
綠牕昨夜東風
小開遍梅花第幾枝

題飛雲閣

一笑歸來春尚寒
小梅飄盡雪初殘
遲遲更待梨花
月醉倚飛雲十二欄

立秋日

亂鴉啼散玉屏空
一枕新涼一扇風
睡起秋聲無覓
處滿階梧葉月明中